

C V D

A I G G

1 6 0 3

7


de

P. e. 39

de

Theologie

E. VII. 449



Der Jesuwiter Himmelfart.

Ein Kurtzweiliges

Gesprech / eines verzuckten Jesuwiters / Mit dem H. S. Petro: von dem leben / wandel vnd lehz / desselbigen ihren new erweckten Ordens: vnd fürnemlich / wie er durch die Betrachtung irer Gleisnerischen art / vnd erfandtnis seiner mutwilligen vbertrettung der Gebott Gottes / sich widerumb zu Euangelischer warheit begeben hab.

Allen Liebhabern der warheit / die Päpstliche Irthumb zu vermeiden / zu sonderem wolgefallen vñ lehz / in gebundene Reimen verfasst.

Hiob. 15.

Der schalck ist in allem seinem lebē angsthaft vñ vers zweifelt / er glaubt nicht / daß er in der bößheit verirret seye. Sann die Bößheit wirt sein widergeltung. Der gleißnerisch hauff ist vnfruchtbar / vnd das fetor wirt ihre Heuser / inn denen sie vil Gaben / zusammen gelegt haben / verzehren.

3 Anno M. D. LXXXV.

Faint, illegible text, likely bleed-through from the reverse side of the page. The text is arranged in approximately 20 horizontal lines across the page.



N B höret einen guten schwanck/
 Es lag ein Jesuwiter franck.
 Dem war das Hiren so verrückt/
 Das er vermeint er war verzückt.
 Bis in Himmel nach seinem sin/
 Aber es war noch weit dahin.
 Sein Geist in den lufften umbschwebet/
 Nach grosser freud vñ wonung strebet.
 Lag doch er in dem Bette vnd schlief/
 In einem traum ersuncken tieff.
 Im traumet vil von dem Segneur/
 Vnd von den Teuffeln vngeheur.
 Wie sich der frid bey in verkeret/
 Ein jeder seiner Seel begeret.
 Der halb zufliehen dise qual/
 Wolt er wischen ins Himmels Sal.
 Durch sein vermeinte geistlichkeit/
 Vnd hoch verlobte pflicht vnd aid.
 Wider Sant Peters macht vnd willen/
 Doch fundt er sein freud nicht erfüllen.
 Dann diser new erfundene stand/
 War S. Petro noch unbekandt
 Sonderlich die vier eck et schlappen/
 Wolt in gar machen zu ein lappen.

Er sach in an wie einen Thoren.
 Von fuß auff hinden vnd dauoren.
 In gedancken stunde er im zweifel/
 Obs ein Mensch wer/oder ein Teufel.
 Derhalber in nicht wolt einlassen/
 Wiß in bald auff die vnder strassen.
 Der Jesuiter sich verwundert/
 Das in S. Petrus het auß bsundert.
 Vnd thet sich bey dem namen nennen/
 S. Petrus wolt in noch nicht kennen.
 Vnd sprach der Jesuiter orden/
 Von Jesu nicht gestiftet ist worden.
 Auch nicht durch die heilige Vätter/
 Dein red zeigt schier an ein verrätter.
 Der den Himmel außspüren wolt/
 Schafft im das; er sich flux weg trolt.
 Er ließ in je in Himmel nicht.
 Der Jesuiter sprach ich bitt/
 Laß mich ein in meins Vatters namen/
 Der den Orden hat gflickt zu samen.
 Oder heiß in selbs gehn herfür/
 Das; er ein kleins wort red mit mir.
 Erkennet mich/bald er mich wirdt sehen/
 Mein Petre wa das wirdt geschehen:
 Das

Daß du mir hilffst zu diser schank/
 Will ich ein ganken Rosenfrank.
 All tag sprechen nur dir zu ehren/
 Er sprach ich will dich das gewehren.
 Sag mir wer ist dein Vatter das
 Ignatius de Loyola,
 Heist er mit seinem namen recht/
 Ein freier redlicher Landtsknecht/
 Diesen holl mir/den will ich haben/
 Sanct Petr⁹ sprach erst must abtrabē.
 Dann kein Landtsknecht im Himmel ist/
 Vergebens du hergangen bist.
 Aber im Dorff zu nechst darben/
 Sindstu der Landtsknecht mancherley.
 Erst war schamroet/der Jesuwiter/
 Vnd sprach auß grosser forcht vnd zis
 Er hat sich widerumb bekert/ (ter.
 Die Bücher gebraucht für dz schwert.
 Meinst nicht es sey ein wunder ding?
 Daß er sich achtet so gering
 Vnd verließ sein Adel vnd gwalt/
 Kleidet sich in eins Bettlers gstalt.
 Verschenecket alle Kleider sein/
 Sanct Petrus sprach jek felt mir ein.

74
Wer der Ignatius sein muß/
Der im selbst auffgab dise buß.
Aber sein armut angefangen/
Hat sich verfert in stolz vnd brangen.
Gute Pfründen vnd feiste Kuchen/
Zu Rom er erstlich durch thet suchen.
Derhalb so such in anderst wa/
Dann du in je nicht findest da.
Der Jesuwiter sprach hergegen/
Solt ich mich des Himmels verwegern.
Vnd hab in meines lebens zeit/
Mein Seel verbürgt für ander leut/
Die mein lehr haben angenommen.
Sie wurden gwiß in Himmel komern.
So wirt ichs je nicht geren thon/
Ist das für mein arbeit der lon.
Weiß ich nicht was belonet ist/
S. Petrus sprach ein jeder Christ.
Der wirt selbst seines glaubens leben/
Vnd von seinem thon antwort geben.
Hat Ignatius guts gestiffet/
So hat ers doch vermische mit giffet.
Es ist schad vmb die zarte jugend.
Die er mit höfflicher vntugendet/
Gefürte

Befürht hat in abgötteres/
 Durch sein selbs gspunne Phantasien.
 Philosophia must herfür/
 Vnd Gottes wort hinder die thür.
 Auff des Papssts gsak/ Menschen gebott.
 Dacht er vil mehr/ weder auff Gott.
 Was soll lang daruon sagen ich/
 Wa ein Mensch last vernemen sich.
 Von Gottes wort vnd von der Predig/
 So wirdt bey euch der Teuffel ledig.
 Greiffent zu dem schwert/strick/vñ brand
 Oder verjagens auß dem Land.
 Dises werck ich mit nichten lob/
 Er sprach wann wir machen ein prob.
 So thuen wir es nicht darumb/
 Das die leut glauben in Christum.
 Sonder darumb das keiner glaubt/
 Das der Papsst ist das Oberst Haupt.
 Der Christlichen Kirchen vnd gemein/
 Vñ das er fundt durch den gwalt sein.
 Den Himmel öffnen oder bschliessen/
 S. Petrus sprach bald vnuerdriessen.
 Hat dann der Papsst ein solche macht/
 Wie kompts dan daß er deint mit achtz

Vnd schleust auch auff den Himmel dir!
 Der Jesuwiter sprach mit mir!
 Hat es vil ein andere gstat!
 Ich hab von im empfangen gwalt,
 Das ich auch kan vergeben dsünden/
 Das ist auff lösen oder binden,
 Vnd laß dirs nu nicht zoren thon!
 Der Papst in der dreyfachen Cron,
 Kan gebietten den Engeln theur!
 Daß sie müssen auß dem Fegfeur,
 Die Seelen in den Himmel bringen/
 Engel vnd Teuffel kan er zwingen,
 Daß sie seinen beuelch verrichten/
 Derhalb verhinder mich mit nichten,
 Vnd sperz mir flux den Himmel auff!
 Ehe das ich wider gen Rom lauff.
 Vnd thue dich vor dem Papst verflagē!
 Sanct Petrus thet hin wider sagen,
 Nach der Papisten mainung fein/
 So muß ich auch ein Papst gwest sein,
 Doch mein lebtag vnd Jaren alt!
 Het ich nie kein solchen gewalt:
 Wie jekunder die Papst fürgeben/
 Das war mein ampt dz ich mein lebē
 Muß

7
Must richten nach des Herzen wort/
Das Volck leren an manchem ort.
Nach vermeg der heiligen Schrifft/
Ich het kein Closter pfründ noch stiffe.
Ich ritt auch nicht auff hohen rossen/
Sonder must wandern ohn verdrossen.
In keinem Sessel trug man mich/
Wie jek der Papst last tragen sich.
Weil sein gwalt sich so hoch erstreckt/
Wie du mir jekund hast entdeckt.
So hat er leicht ein andern Himmel/
Mit seinem geistlichen gewimmel.
Demselben frag nach mit beger.
Er sprach/der Papst wis mich daher.
Weil ich mich bey im hab allzeit/
Erzeigt mit vnderthenigkeit.
S. Petrus sprach mein lieber Son/
Hettest du Gottes willen thon.
So wolt ich dich lassen herein/
Wie in der schrifft thut gschriben sein.
Vnd du selbs wirst gelesen haben/
Der Thor sprach was sagst vö Buch?
Die geschrifte von dir hoch geacht/(stabe?
Ist wie ein Nas auß Wax gemacht.

U v Die

Die last sich stehen hin vnd her.

Des Papsts gwalt gilt tausend mal
Petrus thet wider antwort geben. (mehr.)

In der geschriffte sucht man das leben.
Vnd die ist die von Christo zeugt!

Welche mit warheit nicht betreugt.
Der halb weil du mit deinen gsellen!

Nach irer lehr nicht thetest stellen.
So wirt dir auch zu deinem heil!

Der Schriffte verheissung nit zu theil.
Du hettest dann griffen zur buß!

Nach Gottes wort gericht dein fuß!
So ließ ich dich in Himmel leicht.

Ach sprach er wie offte hab ich beicht.
Vor des Himmels Heer vnd vor dir!

Vnd soll des als nichts nutzen mir?
Hab darzu dein fürbitt begert?

S. Peter sprach ich habs nie gehört.
Zu dem gehört es mir nicht zu!

Das man mir solche ehr anthu.
Sonder Christo dem waren Gott.

Der kan helffen in aller not.
Disem soll man die not für tragen!

Er sprach/so thu ins noch an sagen.
Vnd

Vnd erklär im mein ganken handel/
 Mein glauben werck/leben/vñ wandel.
 Erstlich hab ich zu meinem wesen/
 Die willig armut mir erlesen.
 In der lebt ich von herken geren/
 Vnd wolt daß es solt ewig weren.
 Dann in der armut/vnuerborgen/
 Darfft ich nie vmb die narung sorgen.
 Wann schon ein fasttag gieng herein.
 Behalff ich mich mit Brot vñ Wein.
 Als ich kein Fleisch/so aß ich Fisch/
 Die machten mich gleich wol so frisch:
 Als sonst ein stuck Fleisch von ein Kind.
 Zum andern ich dir auch verkünde.
 Lebet ich in stetter keuscheit/
 Wie man von vns weist nach vñ weit.
 In den gehorsam war ich krochen/
 Hab nie keinem wort widersprochen.
 Alle arbeit thet ich im Haus/
 Ich trug wasser/ vnd feret auß.
 Die tauben füllen/ hünner ropffen/
 Die gersten klauben/ Salat zopffen.
 Hab ich alles willig verricht/
 Mich irer nie gewägert nicht.

Was

Was aber vnser lehr beriert/
 Dardurch mancher wirt verfiert/
 1. Cor. 3. Ist das/ da Gottes wort macht fund/
 Lind. Das Christus sey des glaubens grund/
 lib. 1. So sagen wir / der Bapst es sey/
 cap. 4. Vnd bekennens öffentlich frey.
 Psa. 77. Gott alle ding erschaffen hat.
 Syr. 3. Darauff sprechen wir frū vnd spat/
 Decret. lib. 1. Der Bapst auß nichts künde etwas ma
 Tit. 7. Verändern natürlich sachen. (chen/
 cap. 5. Dessen sagung man halten soll.
 Propof. 3. Vnd wann er schon die Höll fült vol.
 Dist. 40 Der Völcker grosser anzal vil/
 cap. Si Muß jederman doch schweigen still.
 Papa. Vnd im geringsten in nicht straffen/
 Antho. Oder fragen was er thū schaffen.
 de Ro- Der Bapst ist ein glantz der warheit/
 fellis. Auch hat er gwalt zu allerzeit/
 Cap. 0- In dem irrdischen Keiserthumb.
 mnis. Wie auch im himlischen in sumt.
 dist. 22. Er gebeut daß die Engel theur/
 Bulla In dem Himmel auß dem Fegfeur.
 Clemē- Die Seelen thon füren behendt/
 tis. 6. Er kan ändern die Sacrament.

Er

Er kan dispensieren/nachlassen/
 Ob es schon Gottes wort thut lassen:
 Er hat ein willen himlisch frey/
 Er mag verrichten allerley
 Wer nicht gehorchet sein gebott/
 Den soll man straffen mit dem todt
 Er ist Christij warer Statthalter/
 Der allgemeinen Kirchen verwalter/
 An im liget der Kirchen heil.
 Die Heiligen mag er zum theil/
 Nach sein gefallen canonizieren,
 Durch sein Ablass in Himmel führen.
 Uber die Concilia gemein.
 Vor zu stehn ist in dem gwalt sein.
 Das geistlich vnd das weltlich schwert/
 Auß göttlichem recht im gehert.
 Wie goldt das bley vbertrifft weit/
 Also auch des Papsts würdigkeit
 Weit vbertrifft der Keiser wirdt/
 Auff vnd absetzen im gebird.
 Der Keiser muß im ehr beweisen/
 Alles gehorsams sich befleissen.
 Sein gwalt ist gsetzt vber die recht.
 Vnd wer er schon unglert vñ schlecht.

Archid.
 Sigismundus. Neap.
 pol. Carol. Ruin.
 Titulo de
 Transla-
 Episcopi-
 ca. quato
 inglossa.
 Bonifaci 9
 de Vituli-
 nis.
 Iohan. de
 Turre
 cremata.
 Hosius de
 Leo. &
 Anth.
 Ro. Pon.
 Troylus
 Maluiti 9
 in tract.
 Canoni.
 Hocon:
 part. 3.

Hat

Coele- Hat er doch im schrein seines herzen/
 stinus. Alle recht bekenn ich ohn scherzen.
 Lib. 6. Er ist reich vnd mächtig an gut/
 decret. Vber alles er herschen thut/
 Tit. 2. Von dem wir vns nit lassen treiben.
 Anto. Ob schon gwaltig darwider schreibē/
 Floren- Paulus/Petrus vnd ander mehr/
 tinus. Ker ich mich doch nit an jr lehr.
 in sua Und ob vom Bischofflichen stand/
 summa. Die heilig Schrift vns offte vermanē:
 2. The. 2. Das alle Bischoff rechter sachen/
 1. Pet. 3. Vber der Gemein Seel sollen wachen:
 Ezech. 33. Solten Hirten vnd Wächter sein/
 Act. 20. So kombts mit vns nicht vberlein.
 I. quest. Unsere Bischoff man Richter nennt/
 1. Tit. Als weltliche Richter erkennet.
 quidē. Auch sagt Lucas zu gleicher gestalt/
 Et dist. Sie sollen haben gleichen gwalt:
 88. per So haben wir ein andere wal/
 totum. Der ein der ist ein Cardinal.
 Luc. 22. Der ander/ Erzb/ Land/ Wenbischoff
 Offtmals ein vngeschickter schrof.
 Sanct Paulus thut fleissig beschreiben/
 Was sie für tugendt sollen treiben/
 Nams

Nämlich/das er für seinen Leib/
 Soll nehmen ein Eheliches Weib/
 Auch nüchter mässig/sittig sein/
 Gastfrey/glert/nicht füllen mit wein
 Soll ander lehren vnd auch straffen/
 Alle widersprecher abschaffen.
 Das ist bey vns nie bräuchlich gewesen/
 Wann wir ein zum Bischoff erlesen.
 Must er vor gwest sein ein Thumherz/
 Edelman/Graff/Fürst/ anders mehr.
 Dise müssen die Kirch versehen/
 Aber wie es offtmals thut gschehen.
 Dasselbig weist der liebe Gott/
 Vnd wer wol ein besserung not.
 Auch haben wir selbs angericht/
 Manche weis zu leben erdicht.
 Auß guter meinung vnd einfalt/
 Aigne Reglen vns fürgemalt.
 Mit den wir wolten wischen ein
 In Himmel/vor andern in gemein.
 Vnd dis war also verricht worden/
 Das ein zeit fastet diser Orden.
 Der ander ein andere zeit/
 Die kleidung war selkham bereit.

Eines

Einer trug schwarz/weiß/oder grau/
 Auch von farben/schön/grün vñ blau.
 Der ein aß Fleisch/der ander feins/
 Dises hielt man auch für fein fleins.
 Der ein trug Schuch/der ander nicht.
 Vnd alles nachselkamen sit.
 Die Lehr vom gfas vnd wercken gut/
 Theilten wir auß listigem mut.
 In Gottes gebott vñd in rath/
 Darauff mancher offt ein glübd thet.
 Ro. 14. Wann gleich der heilig Paulus spricht.
 Was nicht auß dem glauben geschicht.
 Das dasselbig ein Sünd so sein:
 So sprechen wir darwider nein:
 Soto. Sonder sey Gottes dienst angnem/
 adfert. Ist auch vil leidlicher in dem/
 Cath. Das ein Priester für seinen leib/
 Hab ein Röchin/oder Rebsweib:
 Tham. Dann das er leb in dem Ehestand/
 Pigin. Wie dann Paulus vns hat ermant.
 1.Co. 7. Sonst kan er nicht der Kirchen pflegen/
 Heb. 13. Vnd versehen sein dienst allwegen.
 1. Tim. 3. Was aber wir/Mönch vnd Pfaffen/
 In der Kirchen haben zu schaffen.

Das

Das gschicht Erstlich insonderheit	
Das wir betten siben tag zeit.	
Als/mettin/prim/Terz/sext vnd Non/	
Versper/complet/sag ich gar schon.	
Vnd wann schon einer das verricht	
Faulcklich/ists doch kein Todtsünd nit.	
Weil es durch menschen ist erfunden/	Concil.
Die Mess an die wir seind gebunden.	Triden.
Geschicht in vnbefandter Sprach/	Sefs. 22.
Vnd thuen es nicht Christo nach.	cap. 2.
Dann vnser Mess vnd Christi leiden/	Cath.
Soll kein Christē mensch vnderscheiden.	Rom.
Eins wie das ander gilt souil/	pag.
Vnd dises muß geschehen in still	323.
Wir brauchen siben Sacrament/	Concil.
Dyn grund heiliger Schrifft erkennt.	Trid.
Bil feyrtag haben wir erdacht/	Sefs. 4.
Mit grober lügen zu gebracht.	Con. 1.
Den heiligen wir Kirchen bawen/	Sefs. 7.
Irer verdienst herklich vertrauen.	Can. 3.
Berehren sie mit höchster ehr.	Linda.
Die Bilder vund geben noch mehr.	lib. 3.
Wir ehren mit gebett/wallfarten/	cap. 27.
Glück vñ gsundtheit von in erwarten.	Petrus
	Lomb.
	lib. 4.
	dist. 46.

B

Zu

Concil. Zu Loreta/Mach vnnnd Jacob/
 Trid. Versprechen wir vns mit verlob.
 Sefs. 25. Thelesphorus/verordnet wol/
 Das man vierzig tag fasten soll.
 Soto. Dann durch fasten wie sich gebirt/
 adfert. Vns menschen zu geeignet wirt.
 Cathe. Der verdienst Christi vnsers Herzen/
 de Ieiunio. Durch fasten wir Gottes gnad mehrt.
 Petrus in der Apostel geschicht/
 Am zehenden capitel spricht.
 Das vns Christi leiden vnd sterben/
 Vergebung der Sünd thet erwerben/
 Derhalb wir losz werden fürhin/
 Der straff durch den glauben an in.
 Tezel. So sprich ich des Papssts ablaß groß/
 propof. Mach vns von straff der Sünden losz.
 46. In der tauß durch den glauben gut/
 Besprengt vns Christus mit sein blut.
 Aber ich lehr vnd mein gsellschafft/
 Wenhwasser hab göttliche krafft.
 Gibt gsundheit/thut franckheit vertreibt.
 Andra. Wo es ist mag kein Teuffel bleiben.
 lib.3. Auch lehren wir vor aller dingen/
 pa. 326. Das Bich man darmit soll bespringt.
 Die

Die Ställ/die Brunnen/vnd die speiß/
 Die Todtengräber gleicherweiß.
 Es vertreibt gspenst vnd zauberei/
 Unfruchtbarkeit böß lufft darben.
 Wer das Wehwasser thut empfinden/
 Wirt vertilgt die nachläßig Sünden.
 Dfftmals gschehen groß wunderwerck/
 Durch des wehwassers krafft vñ sterck.
 Groß Brunsten hat es gelöschet auß/
 Vor gfar erzetet manches hauß.
 Letstlich der Christgläubigen Seel/
 Nimbt Christus sie berürt kein quel.
 So sprechen wir/wer auff erd hic/
 Mit guten wercken büßet nie.
 Sein Sünd vnd erzeigt sich ein froinien/
 Der muß vor in das Fegfeur kommen.
 Vnd darinn leiden pein vnd qual/
 Bis er hat gnug thon für sie all.
 Steht auch vil besser vmb den Reichen/
 Der kaus vor dem armen erschleichē.
 Dann er kan diser marter groß/
 In ein augenblick werden loß.
 Vmb gelt wir Messen halten im/
 Das ist also die lehr vernim.

De cō-
 fe. dist-
 3. Can.
 aquasa-
 le:
 Andra.
 lib. 3.
 pa. 326.
 Psal. 39.
 Sap. 2. 3.
 Eccius,
 in posi-
 tionib;
 Anno
 1519.
 Com-
 pendiū.
 Theo-
 logicū.
 lib. 1.
 cap. 2.
 Bern-
 hardi-
 nus de
 Bustis
 in Ro-
 fario.

2

Dann

Damit wir verführen die Welt/
 Bringen an uns ihr gut vnd gelt.
 Das ist vnser Römischer glaub/
 Derhalb den Himmel mir nicht raub.
 S. Petrus sprach bald zu der frist/
 Ein Historischer glaub das ist.
 Vnd mangelt vil an dem vertragen/
 Auff Christum vnd sein wort zu bawen.
 Derhalb so zeuch nur flux dein straf/
 Dann ich dich je nicht herem laß.
 Gut geduncken/ menschen gebott:
 Verdient nichts vñ gefelt nicht Gott.
 Dein grosse demut hilfft dich nicht/
 Dann sie nur gleißnerisch ist gricht.
 Dein Orden new erfundne Sect/
 Voller schalckheit vnd bößheit steckt.
 Die ganz heilig Schrifft thut in schelten.
 Er sprach so laß mein Ablass gelten.
 Den vns die Päpstisch Heiligkeit/
 Mit rotem wachs hat zu bereit.
 Vnd verehrt vnser Bruderschafft/
 Zu Mönchen vnd ist dis sein krafft.
 Auff zehen tag/auff etlich Jar/
 Auff hundert vnd taussende fürwar.
 Für

Für gschehne vnd begangne Sünd/
 Auch die ich noch künfftig thon fünd.
 Woltest du disen gwalt verachten/
 Des Ablass brieffs krafft nicht betrachte.
 Mußt du ein schlechter Peter sein/
 Derhalb sperz auff vnd laß mich ein.
 Nicht allein durch meines brieffs sterck/
 Sonder durch vnser wunderwerck.
 Die von vns offtermal seind gschehen/
 Vnd meniglich wol hat gesehen.
 Wie wir die leut haben betrogen/
 Vnd von ein ort zum andern zogen.
 Mit einer frommen armen Magt
 Die von dem Teuffel war geblagt.
 Ich mein es sey ihr an den Orden/
 Von vns Brüdern geholffen worden.
 Daß sie noch täglich hat zu klagen.
 Vnser schalckheit öffentlich sagen.
 Wie wir mit ihr vmbgangen seien/
 Thut vns als Erzbuben auffschreien.
 Noch ein wunder hat man erfahren.
 Als wir ein Magt bekeren waren.
 Von dem Lutrischen glauben recht/
 Welcher vō vns wirt hoch verschmecht.

Dises gieng zu auff dise weiß/
 Wir suchten gut mittel vnd fleiß.
 Kleiden ein in ein Ochsen haut/
 Doch schreien wir daruon nicht laut/
 Het sich auff den boden verborgen/
 Die Magt gieng hinauff on all sorgē.
 War diser sachen gar ohn zweifel/
 Da sprach zu jr herfür der Teufel.
 Fraget sie truziglicher massen/
 Ob sie das Lutterthumb wolt lassen.
 Die Magt fing an zu schreyen sehr/
 Ein Keitknecht war von jr nicht fer.
 Als der nu den Teufel er sach/
 Mit einem schwert er in durchstach.
 Sonst noch vil zeichen selzam tauben/
 Seind gschehen bey vnserm glauben.
 Auff ein zeit hielt ein Hausman frey/
 Mit sein freunden ein gasterey.
 Thet in ein bratnen Han fürlegen/
 Die triben vil reden verwegen.
 Sagten mit grossen spot vnd lachen/
 Nicht mehr fundt in lebendig machen.
 Entweder Sance Peter noch Gott/
 Vnd sich/nach solchem hon vnd spot.
 Stünd

Stünd in der Schüssel auff der Han!

Fing ober laut zu kräen an.

Sie all wunderten sich der ding!

Zum fünfften het ein Abt ein Ring.

Den het ein Kab in sein Nest tragen.

Der Abt verbant in in den tagen.

Het auff ein menschen ein gedanck!

Dardurch war der Kab schwach vund

Schrey nit/vñ as nit mer zu häd/(franck.

Bis das man den Ring wider fand.

In dem Nest/vnd in absoluieret

Von dem Bann der in het berüret.

Derhalb Petre die wunderzeichen!

Sollen dich billich woler weichen.

Den Himmel mir nicht auff zu halten!

Weil wir vns so redlich verhalten.

Las mich ein sag ich dir voran!

Ehedich der Bapst auch thut in Bann.

S. Petrus sprach/das förcht ich nicht!

Die heilig Schrift gibt klar beriche

Als Johannes beschreiben ist!

1.Ioha. 2

Das der Bapst ist der Widerchrist.

Wie auch S. Paulus thut verkünden!

Der nennt in ein menschen der sünden.

B 4 Vnd

Vnd ein Kind des verderbens groß/
 Der all gute ordnung vmb stoß.
 Zudem Daniel der Prophet/
 Sein wouung schön beschreiben thet.
 Wie er werd sein Palast auff schlagen/
 Zwischen zweien Meeren/ohn zagen.
 S. Paulus/beschreibe sein zukunfft/
 Wie er mit seiner ganzen zunfft
 Wird lügenhafftig zeichnen thon/
 Abführen von dem guten schon.
 Wie solches dann vil Jar her lang/
 Im Papstumb ist gangen im schwang.
 Thut alles nach dem willen sein/
 Erhebt sich vber Gott allein.
 In tempel Gottes er sich setzt/
 Die göttlich ehr auff's höchst verlegt/
 Fürt falsche lehr mit seiner Kott/
 Vnd redet grewlich wider Gott.
 Des waren Goits er achtet nicht/
 Sonder sein Mes die er hat dicht.
 Mit Silber/Gold/Edelgestein
 Er hoch ehret vnd zieret fein.
 Seine mithelffer all zugleich/
 Macht er zu grossen Herzen reich.

Der

Der frauen lieb er achtet nicht/
 Helt den Ehestand nur für entwicht.
 Verbeut die speiß zu seiner zeit/
 Veracht die Weltlich Oberkeit.
 Derhalb die volgen seinem lehren/
 Vnd durch buß nicht wider beferen.
 Die werden an dem Jüngsten tag/
 Ein schwers vrtheil hören mit flag.
 Vnd weil du vnd die Brüder dein/
 Seiner lehr das fundament sein.
 Durch die er sein falsche irthumb/
 Im Teutschland auff richit widerum.
 So thu abtretten auff dis mal/
 Mit deiner gsellshaft vberal.
 Traurig er bald abtretten thet/
 Ein Eck ergeren geben het/
 Auß seinem Hut/das er all sachen/
 Petro nicht thet so kundtbar machen.
 Vnd wie er meint er ziech gen Rom/
 Wie sein geistlichen leben from.
 Alda er zu mehr nutz der sachen/
 New Ablass brieff wolt lassen machen.

B v Sijer

Sie/da war er gleich er wacht/
 Vñ seinem schlaff/der traum nit lacht.
 Bedacht sich ein weil hin vnd her/
 Sprach zu im selbs/hat dann mein lehr.
 Kein anderen frucht/nuz vnd gwin/
 Dann wie ich jek erfahren bin.
 Wie wirdt sich dann das blat umbwen-
 den?

Wann ich mein leben hie must enden.
 Weil jek nur in traum weiß mein Seel.
 Hat erstanden so grosse quel.
 So dunckt mich nach billichem rath/
 Das ich mein rew nicht hab zu spat.
 Zu Gottes wort will ich mich geben/
 Nach disem anstellen mein leben/
 Dann wer mutwilliglich thut Sünden/
 Wirdt nit vil gnad bey Christo finden.
 Mein traum ich auch nit für gering halt/
 In traum/hat Gott erzeigt sein gwall.
 An Nebucadnezar/dem König/
 Der Gott nit wolt sein vnderthönig.
 Der wegen er war hart gestrafft/
 Hernach abgötterey abgeschafft.


Dises


Dises muß mir ein warnung sein!
 Vnd wolt Gott das die Brüder mein.
 Sich auch an das Exempel stießen!
 Vnd Gottes wort sich ziehen ließen.
 Gewißlich wurden sie jr blindheit!
 Wie ich / von jnen werffen weit.
 Nun Gott hat offtmals vil bekert.
 Das sie sein wort haben gelehrt.
 Vileicht wirdt er sie noch für hin!
 Erleuchten mit seines geists sin.
 Ob schon jeh sein häußlein klein ist!
 Vnd veruolgt wirdt zu aller frist.
 Kan er ehe auß den Steinen wecken!
 Das sie sein lob müssen entdecken.
 Dren taussende Mann auff einen tag!
 Waren bekert nach der Schrifft sag.
 Wie auch Lidie ein Weib fromm!
 Durch die Predig glaubt in Christum.
 Der recht glaub hat sein grund hinfort!
 In dem Heiligen Gottes wort.
 Auff Gottes gnad er sich vertröst!
 Auff Christum der vns hat erlöst.
 Disen!

Hilff vns Herz Christe mehren/
 Von dem wort laß vns nichts abtren.
 Gib daß wir leben allezeit/
 Bey dem in rechter bständigkeit.
 Laß vns kein forcht daruon abziehen/
 Oder durch weltlich schmach das fliehe/
 Hilff vns zu dir in deinen thron/
 Daß wir dich ewig loben thon.
 Vnd groß machen dein hohen namen/
 Das verleih vns Herz allen/Amen.

E N D E.

Faint, illegible text, likely bleed-through from the reverse side of the page.







155173

AB: 155 AA3

X 2205008





B.I.G.

Farbkarte #13

Black
3/Color
White
Magenta
Red
Yellow
Green
Cyan
Blue

Der Jesuwiter Himmelfart.

Ein kurtzweiliges
Gesprech/ eines verzuckten Jesuwiters/ Mit dem H. S. Petro: von dem leben/wandel vnd lehr/ desselbigen ihren new erweckten Ordens: vnd fürnemlich / wie er durch die Betrachtung irer Gleisnerischen art / vnd erfandtnis seiner mutwilligen obertrettung der Gebott Gottes/ sich widerumb zu Euangelischer warheit begeben hab.

Allen Liebhabern der warheit/die Päpstische Irthumb zu vermeiden/ zu sonderem wolgefallen vñ lehr/ in gebundene Reimen verfasst.

Hiob. 15.

Der schalck ist in allem seinem lebē angsthaft vñ vers zweifelt/er glaubt nicht/das er in der bößheit veritret seye. Sann die Bößheit wirt sein widergeltung. Der gleißnerisch hauff ist vnfruchtbar/ vnd das fetor wirt ihre Heuser/inn denen sie vil Gaben/zusamen gelegt haben/ verzereh.

3 Anno M. D. LXXXV.